



Rabu, 09 Maret 2022

Ogen : Masmur 31: 3



Inganku Cielo



Ibas renungen minggu enda enggo bengket kita ku bas minggu-minggu passion, si ertina kita nginget sejarah Jesus Kristus nggeluh i doni enda alu dem kininggengen. Si enda me jadi gegehta ka pe guna tetap paguh dengen megenggeng bas kiniseran si nderpa kegeluhenta. Sebab kita lit i bas erbage-bage kiniseran nggeluh. Jadi litna minggu passion labo nginget uga sejarah kegeluhen Jesus tapi pe guna mpegegehi kita maka Jesus enggo leben nenganami kiniseran dengen ia ngasup, alu tetap patuh man bapaNa.

Masmur 31: 3 e me palas gelar passion estomihi. Daud ertoto ngarapken Dibata i tengah-tengah perbeben si jadi man bana. Asum si e ia iancam imbang-imbangna, itadingken teman-temanna, igejapkenna ia sisada. Emaka tuhu-tuhu ije ia erlebuh man Dibata si jadi temanna si setia dengen tetap. Dibata ngenca inganna erpengarapen. Tek ia i bas pengarapenna kerna Dibata si ngasup jadi deleng batu inganna cicio. Deleng batu tentu gambaren si paguh. Cicio ngarapken maka la teridah i bas musuh si paksana jadi kebiaren (tempat berlindung). Enda me si dimaksudken Daud maka Dibata lah si nampati ia bas kebiaren si paksana jadi man bana.

Dibata me inganta cicio, Ia me ingan pengadunta si tetap. Kinilitenta si iakap kita banci mabai kita senang entah me meriah kepeken e kentsik nge ngenca. Gegehta si iakap kita banci erbanca kita ngasup ndahiken kai pe labo tetap. Tapi adi Dibata inganta erpengendes, ku Ia si peseh pertoton dengen pengendesenta, keguluten ukurta mis menahang. Marilah selaku kalak si erkiniteken kita patut naksiken kerna keleng ate Dibata si tetap bas kegeluhenta. Segelah kerina kalak nggejapken min ketetapan ukur di ernalem man Tuhan.